

Nia se_rma PEC bid_a_u ban` hatao reak´ ko n`um uduk´ keda

Ko_ro_na ajar ia.te tala-mala re_ Primary Education Certificate bid_a_u ban` hatao reak´ ko hudis e_da. Iskul kore okako bid_a_u hoyok´ onako bac bica_r katek ge jemonko mula_i, nonkan n`um uduk´ ko kol akada Maran` montri t_hen. Te_he_n Prathjomik ar Ganasikkha halat montri jaker hossein noa kathai ror_keda khobor sakam re_n khoboria_ ko t_hen.

Ko_ro_na ajar ia.te nia_ se_rma reak´ PEC ar JSC bid_a_u ban` hoe oco reak´ got_awa_k´ ko hatao keda.nia cando no_a la_git´ Maran` Montri re_n mukhia_ ka_mia_ic(socib) Ahmed Kaikaisar rak´ ha_jir te_ sikhna_t, pa_hil ar sanamko la_git´ sikhna_t ka_mia_ic talare mit_t_en gapalmarao hoelena.onare noa ko got_a keda.

Pheraok´ son`gete Mahasoe ko mila_uk´ ja_rur_akoa: Sikna_t Montri

Mahasoe doko hoyok´ kana hor_ benao ren ka_rigol. Jaoge biggan reak´ pherao do hoyok´ kana. Mahasoe ko ho~ nia_ pherao son`ge apnar nije manao hatao lagao akoa menteye ror_keda Sikna_t Montri Dr. Dipu Moni.

Mon`golbar (18 august) Ja_tia_ri Bhabna ma~ha~ dik´sa_ akhr_a re Sadhinota Shikhok Porisodak´ sap´r_aote Bon`bondhuak´

sikna.t dorson n'utuman online gapalmarao dupur.up' re nia.
kathae menakada Dipu Moni.

Sadhinota Shikhok Porisod ren mukhia. Professor Abdul Mannanak' a.yurte ar Sadharon Sompadok Shajahan Alom Sajuak' sap'raote Sadhinota Shikhok Porisodren aema mukhia.ko ko noa gapalmarao akhr.are selet' ko tahekana.

Sikna.t Montrie menkeda Mahasoe kodo eken sikna.t em ka.mire la.gia.par.ao ban'kate sikna.t gidra.ko nana hunar online akel hamet.jon' cet' ako hoyok'a. Bon'go bondhue menakada mon'j sa~ota benao rakap're sikna.t re ka.udi em cetan jahan maran' do ban' hoe dar.eak'a. Uni do disa.m reak' hoyok'kan airojgar reak' 4% sikna.tre em la.git'e menleda.

Boge Sikna.t la.git' Sarkar do karikulam bodol ar ona reak' man bad.hao, Mahasoe ko cet'ako ar Mahasoe nawate hataore jemon mon'j hoyok' ona cetan re ba.r.tie nojor akada. Gidra.ko iskul koleje reak' sikna.t sa~osa~o ga.khur., apan apin sahao dar.e ar jahan muskilrego par.aok' ona rean' khon od.on' dar.eak' ona sikna.t emako hoyok'a.

Pa_hil_dha_o_leka_UEFA Champions_League_Football Haparao_Reak'_Final_Reko Rakap'e_na_Paris_St_Germain

Franch club o_koi do_mor.e gel janam maha~ ko manao la.git' onku ge netok' Champions League final ko gatek' la.git'. Paris St Germain pahil dhao leka UEFA Champions League final reku rakap ena.Hola tala n'inda. hoen semi-final re Germany re_n

football club RB Leipzig 3-0 goal te_ harao kate haparao reak´
final re_ khila.d.ok´ reak´ a.ida.ri ko hamet. keda. Pahilre
Marquinhos ar Di Maria ak´ goalte khila.d. re_ku laha akan
tahe~kana PSG. Menkhan khila.d. 56 minute re_ Juan Bernat
tesarak´ goal te jitao do nist.a.e_n takoa..

Daraekan at_hwar hilok´ dosar semi-final re_ jitaok´ kan d.ol
sao~te final reak´ jit t.upri horog lagit ku lar.haia Thomas
Tukhel re_n d.ol.

HA .ND .I

Dak´ leka sad.ar – sud.ur.

Sa.d.gur – ba.d.gur ha.nd.i,

Ka.n´ji kasa jembet´ hon´gor.

Cakhna sim sa.nd.i.

Nana huna.r ha.nd.i n´utum

Sodae bodae mon´ja,

Matkom caole guhum reak´

Jhar arda doja.

Pa.ura. ta.r.i da.ru arho~

ca.d.i ha.nd.i menak´

La.lu ba.cu koyok´ daram

hor.o bend.ar ra.nu.

Neo~ta per_a ato gharna

joto geko n'ue.

Cand begar kukmu kumba.

saram leka me~t'

Awat_apa sao~ta susha_r

Ban' dar_eak' cet'.

Andur_ma_ndur_setak' a.yup'

n'u tegebon taken.

Nit dha_bic' sao~ta – gao~ta

taenom idiyen.

Ban'do ha_nd_i asol gate

Ban'do orom ba_iri.

Lawerok' ko har_am bud_hi

ja_sti kor_a- kur_i.

Jiwet' jion t_arhao la_git'

onkoge a_yuria..

Ha_nd_i ban'a hoyok' mabon

manwa dula_r_ia..


Abo joto santal hopon

pa_rsi mut_ha_n ban' ha_t_in'

Gor_o –gopor_o ka_mie mabon

am maran' in' hud_in'.

Bik'ca_r n'am asre paromena 20 Serma !



A.diba.si koren a.yuric'ak' bik'ca_r koyok' hor re paromena 20 serma. 18 august 2000 serma tehen'ak' nia dinre Alfred Soren do Naoga reak' Bhimpur ato re jumi jaega dokhol bar.ic' hor. (diko) tite din reak' sin' marsal reye goc' ocolena. A.diba.si a.yuric' Alfred Sorenak' tehen' 20 serma paromen reho~ jahan bica_r ban' n'am akana. Mamla reak' bik'ca_r cet' hoyok'a daraekan dinre ? Nia la.git' aema hudis ar gand.on do menak'a a.diba.si hor.ko talare. Noko A.diba.si hor.koak' la.ire bad.aeok' kana; ja.min re menak' ko dusi hor. do onko A.diba.si hor.ko botor ocoyet'koa. Onkoak' dhomokte jiwi reak' botorte aema hor. kodo akoak' gharon'jko selet' ona ato khonko da_r. pharak akana. Nit okoe ko menak' ko onko ho~ botorte bako cas bas dar.eak' kana onako jumire. Okoe ko mamlaren sa.khi ko tahe~kan onko ho~ jiwi reak' botor te hand.e nand.e ko calaoena. Onate Aflred Sorenak' hike bik'ca_r n'amok'ase ban' ona rean' digdha. ko sodor akada uni gharon'jren ar a.diba.si mukhia.ko.

Mit' din re Disom re ko goc'ena 46 hor. KO_RO_NA Ajarte

Ban'gladisa_m re_ 24 ghont_ are KO_RO_NA ajar te_ ko ja_ bunena 3200 hor, ar mit' din re_ ko goc'ena 46 hor. IECDR reak' hisa_ bte ajarreko par_ oen hor_ ak' lekha do hoena 2 lakh 82 hajar 344 hor_ ar goc'ena ko 3 hajar 740 hor_.

24 ghont_ a re bogeyenako 3 hajar 234 hor_.

Onko selet' mot_ ko_ ro_ na ajar khon boge akan ko hoyena 1 lakh 62 hajar 825 hor_.

Tehen' disom sombat bulet_ in re_ noa kathako so_ do_ r keda Sastho Odhidoptor.

Abo ad_ epase disom Bharot re ho nia_ ajar do a_ d_ i ba_ r_ ic' d_ her calak' kana. Ona bhitrere santal disom jharkhan re din dia_ ko_ ro_ na ajar do d_ her idik' kana. Rimmy Marcila Tudu Dumka khon santalstimes e bad_ ae ocokedea tehen' Dumka_ ren mit' doct_ or Sitaram Shah do nia_ ajr tey goc'ena Racnchi re. Dumka_ ren Deputy Commissioner ar uniren driver, police office ko ho nia_ rog n' am akat' koa. Dumka reak' santal pargana re aema police ko ja_ bunakana nia_ ko_ ro_ na ajar te. Got_ a Bharot disom re tehen' ha_ bic' te 27 lakh 2 hajar 742 hor_ nia_ ajar teko ja_ bun akana. Got_ a dha_ rti re nia_ rogte ja_ bun akan hisa_ te pa_ hil t_ ha_ i re do America 54 lakh 37 hajar ar dosar do Brajil ond_ e do 33 lakh 59 hajar hor_ nia_ rog n' am akat' koa.

UEFA Europa league football haparao reak´ final reko rakap´e na Inter Milan

Calaoen tala n´inda hoyena UEFA Europa league haparao semi-final. Onare Ukraine disom ren ga.khur. football dol Sakhtar Donetsk 0-5 goal teko harao ocoena ar mit´ t.en dha.rtiren ga.khur. ar a.d.i ta.pis football dol Inter Milan t.hen.

Ona khila.d. re_ko goal akada Lautaro Martinez (19 ar 74 minute re_), Danilo D,Ambrosio (64 minute re_) ar Romelo Lukaku (78 ar 83 minute re_).

Inter Milan re_n coach (gate ceceic´) Antonio Conte me_ne_da-“gidra.ko a.d.i mon´j ko haparao akana khila.d.re. Menkhan netok´ do ra.ska.k´ reak´ okte_ do ban`kana, final re Sevilla FC sao~_te a.d.i kajak´ mit´t.en la_rha_i do hoyok´a´”, onate ac´ ren khelwar. ko sap´r.ao tahene metako kana.

Daraikan sokolbar hilok´ Spain re_n football dol Sevilla FC (oko_i do 5 dhao jit t.upriko horok´ akat´ noa haparao) sao~_te final reko la.r.ha.ia Inter Milan.

T_ha_kur jiuak´ (Isor Babawak´) Hukumko

Dha.rti sirja_u tayom serma Baba do Pilcu har.am (Adam) Pilcu bud.hiye (Hawa) sirja.ulet´ kina.. Doholet´ kinae a.d.i mon´j

ar napae jaegare, okaredo jan janwar, ce~re~ ciprut'ko talare hesec'-sekrec' rekin tahekana. Isor Babaak' hukum bebatao serma dut ge serma parades khon laga ocoente Soetane bika uena. T.ha.kur jiu do mit' dare reak' jo jome manalet' kina, menkhan soetanak' gobol rekin par.aoente T.ha.kur jiuak' hukumkin bebasutada. T.ha.kur jiu do laga o_d.ok ket'kina. ona mon'j jaega Eden bagwan khon.

Manwa ko san'geyen khan T.ha.kur jiu do bako disa.ledea, onate mit' okteye mohor met_ao ket'koa. Aema din tayom T.ha.kur jiu do Mose na.biye kusiadea ar maran' burure hohoadete 10 (gel) got_en hukume calade tahekana. Barea dhirire 10 got_en hukum do abo manwa la.git'e emat'bona.

1. In' saman're et.ak' Isorko aloko tahentam ma.
2. Gor.hon mut.ha.n se jahan d.hob alom benaojon'a, ban' do cot.sermarenko reak', ban' do latar otrenko reak', ban' do o_t latar dak'renko reak'. Onako alom d.obok'ak'a ar alom sewawak'a.
3. Probhu amren Isorak' n'utum a.uri pa.tha.ur.i do alom n'umtaea; ente Probhuak' n'utum a.ur.i pa.tha.ur.iye n'umtae hor. do bae bin dosea.
4. Jira.uk' ma~ha~ disa.ime, jemon onam so_no_t; turui ma~ha~m khat.aok'a ar amak' jotom ka.mia; menkhan eaeak' ma~ha~ do Probhu amren Isor n'utumte mit't.ec' jira.uk' dinge.
5. En'gam a.pum ganaokinme, jemon Probhu amren Isore emam disomre amak' dinkoge d.her hoyok'tam.
6. Alom khuna.
7. Alom lat.ghat.a.
8. Alom kombr.oea
9. Am ad.epaseren hor. rean' er.e goha alom ema.
10. Am ad.epaseren hor.ak' or.ak' dua.r alom lalocak'a; am ad.epaseren hor.ren maejiu se guti, se ka.mr.i se d.an'gra, se gadha se am ad.epaseren hor.ak' jahanak'ge alom lalocak''a.

Sonot uta.ric' T.ha.kur jiu cetan reak' hukumko ac'ak' titeye

ol akat'a. Mit't.ec' dhirire do ac'ak' sonotok' reak' rukhia. ar dosarak' redo manwa tala reak' gor.o gopor.o, dula.r. ar da.yik reak'e hukum akat'a. Amren go Babakin manaokin lagaok'a, ar alom khuna; noakin do jiwi la.git'te sonotak' kana. Alom lat.ghat.a, noa do bapla ar gharon'j rukhia. reak' tonol kana. Alom kombr.oea, noa do sompotti ra.khi jogao reak' hukume em akat'a. Er.e goha alom ema, noa redo er.e khon sa.riak' sec' tar.am reak' uskur kana. Alom laloca, noatedo ontor saphae reak' sa.bun kana.

Delabon abo sanam Santal boeha miserako, T.hakur jiuak' hukum bon manao ganaote bhorbon hamet.jon'ma.

Mit't.en kombr.o kul, Bana ar Toyo

Mit't.en kisa.r.ren aema ga.iko ar a.d.i maran' mit't.en Merom bodae tahe~kana; onko ga.i merom kodo jaoge mit't.en gupiyic' bir sec' a.tin'e idiyet'kokan tahe~kana, Ona bir rege mit't.en kul hoe tahe~kana, onko n'elte kul doe mena, uni meromin' jomlekhan ! Ente a.d.i a~t.e itil akana, a.d.i sebelin' a..ika.ukea. Bardin gan ban' jom lagaoken'a.

Ar mit't.en kombr.o do jaoge ona ato a.d.epasei dar.ana ar uni merom n'elte mone monetei menjon'ana, Nui meromin' kombr.o lekhan a.d.i uta.r.t.akaten' a.khrin'kea. Ado bhador din jokhec' tahe~kana kul ho~ ona dine nend.a.t.hik akaoana ar kombr.o ho~. Ado kul tinre con' jond.ra.gajar.reye bolo thir akan tehekana are menjon' kana hor. ko ja.pit' lege ado nahak' jojomin' bolok'a ar uni kombr.o ho~ un hilok'ge kombr.oe calao akan tahe~na, adoe n'elkeda jond.ra god.a.lar.aok' kana.

Adoe hudisket'a tinrecon' merome od ok hec' akana, kombr.o rean' ja.rur. do ban' hoelentin'a ac' tegeye hec' a.din'a; uni kombr.o do chala bostate merom mente kule pot.om kedeteye tolkede ar tolkede khan ado d.hae d.hue dal idiyedea. Khange setak' dela dili n'elme uni kulma bir sec'geye t.anok' kana, Uni kombr.o do arho~ bohok're ran'gao macha dal daltei andmandao kedea.

Khange marsalena; n'elkedemae kul kanae, Ado usa.rae rar.agot'kedea ar ac' do mit' sec'e da.r.ket'a, Kul do bir sec'e da.r.ket'a d.igla. d.ig. Khange horre toyo do kule n'apamkedea. Are kuli kedea, okate mamona.k' a~t. do d.igla. d.ig dom da.r.et'a? Kule menket'a bha.gna. cet'in' mena? Tehen' do mit' n'inda. mod thotkae sap' ledin'a; mi't' n'inda.e mod thotkakidin'a.

Cet lekanae mamona mod thotka do? Toyoe menkeda Delan' se uduk'a.n' me ! Ado kule menkeda ohoge mamona in' do ba.n' calak'a, Mod thotka t.hen do. Ado kombr.o uduk' katei menkeda Ha.ni n'eleme ! Do calak' me. Toyoe menkeda mamona uni mod thotka don' n'elegea; adoe calaena. Nui kombr.o adoe dur.up' akana are bhabnak'kan tahe~kanae jomkin'a.e honec' kul do, cet' ia.te con' bae jom ledin'a?

Khange toyoe n'el n'elkede khan do uni kombr'o doe gitic'ena oyo pot.omkate. Toyo do uni ber.haeteye a.curok' kana, are menjon' kana, cet lekan mod thotka kanae bhalan' n'elea. Adoe a.cur idik' kana jan'ga khon bohok' sec'. Khange ba.i ba.ite kombr.o do tiye od.okket'taea; jokhonge uni toyo do jan'ga sece a.cur hec' akana unre kombr.o do usa.rate toyoak' phed. cand.bolre sap'kate cot.re ghiriya. a.cure ehop'ena; a.cur a.curteye lan'gayen khane capat' got'kedea.

A.d.i ba.ric'e botorena toyo do; are da.r.keda t.iya.l t.apal. Ado Kule tiok'kede khane menket'a ban' kanae mamona mod thotka do ghurpak kanae, in'gem er.ekeden'a. Khange da.da.r. d.aharre Bana ta.kinkin n'apamena; ado Bana toyoye metae kana okate bha.gna. nuna.k' a~t. dom da.r.et'a.? Toyoe ror.

rua.r.ket'a, cet' mamom meneda mit' got.en ghur pake ghur pak keden'ase gujuk' lekan' a.ika.u akat'a. Ado banae menket'a cet' lekanae bha.gna. nui ghurpak do?

Onkanko do aeman' jom akat' koa. Toyoe menkeda oho mamom jomlea ho, Ado enho~m jome khac' do dela lahatege calak' me. Uni hor. do ado lan'gatei dur.up' akan tahena, Bana sa.n'gin' khone n'elkedea hijuk' kanae ac' sec'te. Khangeye menket'a nitok' do nui Bana doe jomen'a dareren' dejok'a; ban'khan kha.t.igeye jomen'a. Adoe dec'ena, uni tayomte bana hoe dec'na. Khange hare phare cot.teye dec' idiyena hor. ho~ ar bana hoe dec' idiyena, Ado d.her laphan'en khan nanha dar sec', khange hamalte d.ar do raput'ena; ar banargekin n'ur got'ena, Bana doe latarena ar hor. do bana cetanre, Ado Bana do or.go por.go chad.aotentey da.r.ket'a.

Khange toyo ta.kinkin n'apamena, adoe menet'a am do bha.gna. a.d.im er.eya in' dom'er.e keden'a, ban'ma ghurpak kanae. Ban' kanae ghurpak do upor cap kanae. Ado ona bir talare mit' .got.ec' ca.ta.ni dhiri menak'a, ona do a.di usula; gel mo~r.e moka; ona dhiri latarre kul dander menak'a. Ona danderren kul do okate con' a.k'tin'e od.ok akana, ona takrege uni merom do ona usul dhirire don enec' bar.ae la.git'e dec'lana.

Khange ado bae phed. dar.eak' kana gupiyic' ho~ bae disa.ledea; ado khan gupiyic' do ga.iko meromko or.ak'teye a.guyet'koa kulhi muca.t'reye lekhayet'koa ado maran' Merom boda do bae n'amledea. Khange or.ak'te laga idi ot.okate or.ak'renkoe la.iat'kao, ban'ma maran' merom boda do okare con'in' paskao kede. Kisa.~r.e metadea E babu oka sec'em idilet'koa? pasec' ta.rup' tanak'em jom ocokede.

Gupiyic'e ror. rua.r.ket'a jomle khan in' disa..kea; ona maran' urni bir talatege a.tin'in' idilet'koa. Ona maran' dhiri t.hec'. Ond.e ma ba.bu kul coe taken. Adoko menket'a oka sec'tem idilet'koa; onkatege delabon sendralege. Khangeko calaena. Ado n'uten khan kul do bir khon danderteye od..ok

hec'ena, ca.t.a.niye koyok'ket'a ayogo, cele kanae un maran' do? Merom do botorteye kit mit.a.uk' kana dhiri cot.re ar kul ho~ botorteye kuc kuca.uená. Kule menet'a Henda Ma~ha~ Raj cet' nond.e dom n'am kana? Men or.ak' ar.ak' ka.tin'me.

Merome menket'a Noa birren mit' mit'te kul bana ba.n' jom cabaleko khan ba.n' ba.giak'a. Onkae an'jomket' khan uni kul doe da.r. tap'ket'a. Ar da.r. da.r.te pha pho~e sa~het' ket'a. khange banae kuli kedea, Okate nuna.k' a~t. do Mamom da.r.et'a? Kule menket'a Cet'em n'am kana Mamo in'ak' or.ak're cele kan coe! godor godor gocoanae, bohok're ba.rci leka menak'taea.

Ente mamom cekayea tahe ocoae. ona ma, mamom hege in'in' metadea Henda Ma~ha~ Raja oka khonem hec' akana nond.e do cet'em n'am kana? A.yup'en con' bam eskarok' kana? Unre mamom noa kathae ror.rua.r.a.din'a; menket'a, Noa birren kul bana mit' mit'te ba.n' jom cabaleko khan boron' upa.sten' tahena enre ho~ cabako gea.n', ba.n' ba.gia. Khange mamom kit' mit.a.u bar.ae kanae, Ona botorten' da.r.et'a.

Dela am hom da..@ khac'. Khange banae menket'a delan' mamom bar hor.alan' oho ja.nic' mit' dhaote doe jom lan'ia adokin hijuk' kana. Horre toyo takoko dapramena, Henda mamom tehen' do bar hor. cekateben gateyena? Ona katha la.ia.n'ben.

Adokin la.iae kana, cet' ban' se mamom in' or.ak're mit' got.en rakase hec' akana. Cet' lekanae? toyoe menet'a, A.d.i maran'ae mamom kule menet'a.

Tobe khan mamom in' hon' calak'a jotokotebon lagayea, khangeko menkeda jor.ak'abo mamom tahole jahaebon lan'galen khan dar_e hore a.tkir bona; pasec' in' con' lan'gak' pasec am com lan'gak' jor.a mit'kate khan jotoge jom khane jombona.

Ban'caok' khan jotogebon ban'caok'a; dela bo n'elea. Ado jor.a mit'kateko calaoena ona dander t.hen. Nui merom do

onkoe disa.ket'ko khan phur kate a.d.i a~t.e don a.cur ket'a dhiri cot.re kat.ap' ka..t.ap' sad.eyena. Khange onko bana kul ar toyo do ona an'jomte bira.m pa.t.ko da.r.ket'a.

Khange bana doe bhinda.rena, bhinda.ren khane or rad radao idiye kanakin. Adoe menet'a, Alo mamoben oren'a mare mare ma.ila. mamom chad.aok' kan tin'a. Khange toyo ho gurena; ar onkayet'aki'n, Alo mamom am dom maran hor. kana, mare ma.ila. mamom toraoket ta.lin'a, khangeye ger goc'ket'kina.

Disa_m re 3 lakh so_r ko_ro_na ajar hor ko san'geyena

Ban'gladisa_m re_KO_RO_NA ajar re_ko par.ao akan hor. do din din teko san'ge~ idik' kana. Hola lekhare noa ajarren ko hoyok' kana 2024 hor. ar mit' din re_ko goc'ena 32 hor., at.hwar hilok' re_ak' disa_m sombat bulet.in re_noa kathako so_do_r keda Sastho Odhidoptor.

Onare ar ho ko sodor keda hola setak' 8 baja dha.bic' 2 hajar 24 hor. nawa ajar hor. ko hoyena mot.re 2 lakh 76 hajar 657 hor.. IECDR reak' hisa.bte or.ak're ar haspatalre cikitsa hatao kate 1315 ajar rugiko boge akana. Onko nia. mot. ko_ro_na ajar khon boge akan ko hoena 1lakh 58 hajar 950 hor..

Ban'gladisom re ko_ro_na rua. pa.hil sap' n'amlena 8 march, ar nit ha.bic' nia. khon 2 lakh 50 hajar cetan ko hoyena calaoen 7 august 2020 ta.rik. Nia. bhitrire 2 julai 4 hajar 19 hor. ko_ro_na rugiko n'amlena, oka mit' dinre joto khon dher.

Pa.hil rugiko n'amina lo maha tayom 18 march, disa.m re pa.hil
nia. rua.te gojok' reak' khobor ko sodorleda Sastho
Odhidoptor. 12 august onko gojok' hor.ko do 3 hajar 500 ko
paromkeda. Ona bhitrere 30 jun 64 hor. ko goc' reak' khobor
n'amlena, oka do nia. ko dinre mit' dinre joto khon dher
hor.ak' gojok' tahekana.